

ARREST DE LA
Cour de Parlement,^{no. 2}
contre le tres-meschant,
parricide François Ra-
uailac.



A PARIS,

Chez F. MOREL, P. L'HVILLIER, &
P. METTAYER Imprimeurs & Li-
braires ordinaires du Roy.

M. DCX.

Avec privilege de sa Majesté.

ARRÊTÉ

du

Conseil

du

Ministère



ARRÊTÉ

du

Conseil

du

Ministère

du

Ministère



Extrait des Registres de Parlement.

VEu par la Cour, les grand
Chambre, Tournelle & de l'E-
dict, assemblees, Le procez cri-
minel faict par les Presidens & Conseil-
lers à ce commis, à la requeste du Procu-
reur General du Roy, à l'encontre de
François Rauaillac, Practicien de la ville
d'Angoulesme, prisonnier en la Con-
ciergerie du Palais. Information, In-
terrogatoire, Confessions, Denega-
tions, Confrontations de tesmoins,
Conclusions du Procureur General
du Roy. Ouy & interrogé par ladi-
cte Cour, sur les cas à luy imposez,

4
procez verbal des interrogatoires à luy
faicts à la question, à laquelle de l'Or-
donnance de ladicte Cour auroit esté
appliqué le 25. de ce mois, pour la reue-
lation de ses complices, tout considéré.

DICT A ESTÉ que ladicte Cour a
declare & declare ledict *Ranillac* deuë-
ment atteint & conuaincu du crime de
leze Maïesté diuine & humaine, au pre-
mier chef, pour le tres-meschant, tres-
abominable, & tres-detestable parrici-
de, commis en la personne du feu Roy
HENRY IIII. de tres-bonne & tres-
louïable memoire. Pour reparation du-
quel l'a condamné & condamne faire
amende honorable deuant la principa-
le porte del'Eglise de Paris, où il sera me-
né & conduit dans vn tumbereau, là nud
en chemise, tenant vne torche ardente
du poids de deux liures, dire & declarer
que malheureusement & proditoire-
ment il a commis ledit tres meschant,
tres-abominable, & tres-detestable par-

ricide, & tué ledit Seigneur Roy, de deux coups de cousteau dans le corps, dont se repent, demande pardon à Dieu, au Roy, & à Iustice, de là conduit à la place de Greve, & sur vn eschafaut qui y sera dressé, tenaillé aux mammelles, bras cuisses & gras des iambes, la main dextre y tenant le cousteau duquel il a commis ledit parricide ards & bruslez de feu de souffre, & sur les endroits où il sera tenaillé, ietté du plomb fondu, de l'huile bouillante, de la poix raisine bruslante, de la cire & souffre fondus ensemble. Ce fait, son corps tiré & desmembré à quatre cheuaux, ses membres & corps consummez au feu, reduits en cendres, iettées au vent. A déclaré & declare tous & chacun ses biens acquis & confisque au Roy. Ordonné que la maison où il a esté nay sera desmolie, celuy à qui elle appartient prealablement indemnisé, sans que sur le fonds puisse à l'aduenir estre fait autre bastiment. Et que dans

6
quinzaine apres la publication du present Arrest à son de trompe & cry public en la ville d'Angoulesme son pere & sa mere vuideront le Royaume avec defences d'y reuenir iamais, à peine d'estre pendus & estranglez, sans autre forme ni figure de procez. A fait & fait defences à ses freres, sœurs, oncles, & autres, porter cy-apres ledit nom de *Rauaillac*, leur enjoint le changer en autre sur les mesmes peines. Et au substitud du Procureur general du Roy faire publier & executer le present Arrest, à peine de s'en prendre à luy. Et auant l'execution d'iceluy *Rauaillac*, Ordonné qu'il sera derechef appliqué à la question, pour la reuelation de ses complices.

Prononcé & executé le xxvij May, mil six cens dix.

Signé VOYSIN.

Handwritten text, likely a letter or document, written in cursive script. The text is heavily faded and illegible due to the age and condition of the paper. The writing appears to be in a historical or archaic form, possibly from the 17th or 18th century. The paper is yellowed and shows signs of wear, including stains and discoloration.